

春秋左氏傳

春秋經傳集解纂第六十九

杜氏盡卅一年

經卅有九年春王正月公
在楚夏五月公至自楚庚
午衛侯衎卒閭弒吳子餘

祭仲孫羯會晉荀盈齊高
止宋華定衛廿叔儀鄭公
孫段曹人莒人滕人薛人
小邾人城杞晉侯使士鞅
來聘杞子來盟吳子使札
來聘秋九月葬衛獻公齊

高止出奔北燕冬仲孫羯
如晉

傳廿九年春王正月公在
楚釋不朝正于廟也楚人
使公親蒞公患之穆叔曰
祓殯而蒞則布幣也乃使

巫以桃茢先祓殯楚人弗
禁旣而悔之二月癸卯齊
人葬莊公於北郭夏四月
葬楚康王公及陳侯鄭伯
許男送葬至于西門之外
諸侯之大夫皆至于墓楚

邾敖即位王子圍爲令尹
鄭行人子羽曰是謂不冝
必代之昌松柏之下其草
不殖公還及方城季武子
取卞使公治問璽書追而
予之曰聞守卞者將叛臣

帥徒以討之既得之矣敢
告公冶致使而退及舍而
後聞取卞公曰欲之而言叛
祇見䟽也公謂公冶曰吾
可以入乎對曰君實有國
誰敢違君公與公冶冤服

辭固強之而後受公欲無
入榮成伯賦式微乃歸五
月公至自楚公治致其邑
於季氏而終不入焉曰欺
其君何必使余季孫見之
則言季氏如他日不見則

終不言季氏及疾聚其臣
曰我死必無以冕服斂非
德賞也且無使季氏葬我
葬靈王鄭上卿有事子展
使印段往伯有曰弱不可
子展曰與其莫往弱不猶

愈乎詩云王事靡盬不皇
啓處東西南北誰敢寧處
堅事晉楚以蕃王室也王事
無曠何常之有遂使印段
如周吳人伐越獲俘焉以
爲閭使守舟吳子餘祭觀

舟閭以刀弑之鄭子展卒
子皮即位於是鄭饑而未
及麥已病子皮以子展之
命餼國人粟戶一鍾是以
得鄭國之民故罕氏常掌
國政以爲上卿宋司城子

罕聞之曰鄰於善民之望也宋亦饑請於平公出公粟以貸使大夫皆貸司城氏貸而不書爲大夫之無者貸宋無飢人叔向聞之曰鄭之罕宋之樂其後亡

者也二者其皆得國乎民
之歸也施而不德樂氏加
焉其以宋升降乎晉平公
杞出也故治杞六月知悼
子合諸侯之大夫以城杞
孟孝伯會之鄭子大叔與

伯石往子大叔見太叔文
子與之語文子曰甚乎其
城杞也子大叔曰若之何
哉晉國不恤周宗之闕而
夏肄是屏其弃諸姬亦可
知也已諸姬是弃其誰歸

之吉也聞之弃同即異是
謂離德詩曰協比其鄰昏
姻孔云晉不鄰矣其誰云
之高子容與宋司徒見
知伯女齊相禮賔出司馬
侯言於知伯曰二子皆將

不免子容專司徒侈皆亡
家之主也知伯曰何如對
曰專則速及侈將以其力
敝死專則人實敝死之將及
矣范獻子來聘拜城杞也
公享之展莊叔執幣射者

三耦公臣不足取於家臣
家臣展瑕展王父爲一耦
公臣公巫召伯仲顏莊叔
爲一耦鄆鼓父黨叔爲一
耦晉侯使司馬女叔侯來
治杞田弗盡歸也晉悼夫